

novine Zeničko-dobojskog kantona” broj 6/06 i 9/07), Skupština Zeničko-dobojskog kantona na 15. sjednici održanoj dana 26.02.2008. godine, donosi:

**ODLUKU  
O PROŠIRENOM OBIMU PRAVA IZ OBLASTI  
ZDRAVSTVENE ZAŠTITE  
ZA BRANIOCE I ČLANOVE NJIHOVIH  
PORODICA**

POGLAVLJE I. OPĆE ODREDBE

Član 1.

**(Predmet Odluke)**

Ovom Odlukom utvrđuje se prošireni obim prava iz oblasti zdravstvene zaštite, uvjeti, način i postupak za ostvarivanje istih za branioce i članove njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona ili koji su na evidenciji nadležnog organa za vojne evidencije u općinama Kantona.

Član 2.

**(Korisnici prava)**

Korisnici prava po ovoj Odluci su dobitnici ratnih priznanja ili odlikovanja, ratni vojni invalidi, demobilizirani branioци, članovi porodice šehida, poginulih, umrlih i nestalih branilaca, umrlih ratnih vojnih invalida i umrlih demobiliziranih branilaca i članovi uže porodice poginulih, umrlih ili nestalih dobitnika ratnog priznanja ili odlikovanja.

Član 3.

**(Definicije)**

Pojmovi i definicije iz ove Odluke: ratni vojni invalid, demobilizirani branilac, član porodice šehida, poginulog, umrlog, nestalog branioca, član porodice ratnog vojnog invalida i demobiliziranog branioca, dobitnik ratnog priznanja ili odlikovanja i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica (“Službene novine Federacije Bosne i Hercegovine” broj 33/04, 56/05 i 70/07), Zakona o posebnim pravima dobitnika ratnih priznanja i odlikovanja i članova njihovih porodica (“Službene novine Federacije BiH” broj 70/05 i 61/06), Zakona o pravima demobiliziranih branilaca i članova njihovih porodica (“Službene novine Federacije Bosne i Hercegovine” broj 61/06) i Zakona o dopunskim pravima branilaca i članova njihovih porodica (“Službene novine Zeničko-dobojskog kantona” broj 6/06 i 9/07).

Član 4.

**(Posebni korisnici)**

(1) Pod uvjetom da je na evidenciji Službe za zapošljavanje,

prava po ovoj Odluci može koristiti i:

- a) dijete šehida, poginulog, umrlog, nestalog branioca i umrlog ratnog vojnog invalida koje je izgubilo pravo na porodičnu invalidninu zbog punoljetnosti i prestanka redovnog školovanja, a koje nije napunilo 25 godina života;
- b) dijete poginulog, umrlog ili nestalog dobitnika ratnog priznanja ili odlikovanja, koje je izgubilo pravo na mjesečni novčani dodatak zbog punoljetnosti i prestanka redovnog školovanja, a koje nije napunilo 25 godina života;
- c) dijete umrlog demobiliziranog branioca – učesnika rata, koje nije napunilo 25 godina života;
- d) dijete umrlog ratnog vojnog invalida koje nije bilo korisnik prava na porodičnu invalidninu i koje nije napunilo 25 godina života;
- e) udovica šehida, poginulog, umrlog, nestalog branioca i udovica umrlog ratnog vojnog invalida koja nije korisnik prava na porodičnu invalidninu, pod uvjetom da nije stupila u brak ili vanbračnu zajednicu.

(2) Pojmovi udovica šehida, poginulog, umrlog, nestalog branioca, dijete ratnog vojnog invalida i dijete demobiliziranog branioca, upotrijebljeni su u skladu sa odredbama Zakona o pravima branilaca i članova njihovih porodica (“Službene novine Federacije Bosne i Hercegovine” broj 33/04, 56/05 i 70/07) i Zakona o pravima demobiliziranih branilaca i članova njihovih porodica (“Službene novine Federacije Bosne i Hercegovine” broj 61/06).

(3) Pravo iz stava (1) ovog člana ne može ostvariti lice kojem je radni odnos prestao njegovom krivicom ili je po prestanku radnog odnosa ostvarilo pravo na otpremninu.

POGLAVLJE II. PRAVA

Član 5.

**(Prava po Odluci)**

Prošireni obim prava iz zdravstvene zaštite po ovoj Odluci odnosi se na:

- a) Zdravstveno osiguranje;
- b) Nabavku ortopedskih i drugih pomagala i njihovu opravku;
- c) Liječenje i nabavku lijekova.

**Odjeljak A. Zdravstveno osiguranje**

Član 6.

**(Korisnici prava)**

(1) Branioци i članovi njihovih porodica iz člana 2. i 4. ove Odluke, koji pravo na zdravstveno osiguranje ne mogu ostvariti u skladu sa odredbama Zakona o zdravstvenoj zaštiti (“Službene novine Federacije BiH” broj 29/97) i Zakona o zdravstvenom osiguranju (“Službene novine Federacije BiH” broj 30/97 i 7/02) po osnovu radnog odnosa, nezaposlenosti ili po drugom osnovu, pravo na

zdravstveno osiguranje ostvaruju po osnovu ove Odluke.

(2) U realizaciji prava iz stava (1) ovog člana primjenjuju se odredbe Odluke o odobravanju sredstava za privremeno finansiranje prava na korištenje zdravstvene zaštite određenih kategorija lica ("Službene novine Zeničko-dobojskog kantona" br. 11/98, 18/98, 6/99 i 17/99) i Uputstva kojeg je donio Ministar za rad, socijalnu politiku i izbjeglice ("Službene novine Zeničko-dobojskog kantona" br. 8/99).

(3) Pravo na zdravstveno osiguranje po ovoj Odluci ne mogu ostvariti lica koja su bila zdravstveno osigurana po drugom osnovu, a kojima je isto pravo prestalo usljed razloga navedenih u članu 3.b Zakona o posredovanju u zapošljavanju i socijalnoj sigurnosti nazaposlenih lica ("Službene novine Federacije Bosne i Hercegovine" broj 41/01 i 22/05), odnosno kao posljedica kršenja obaveza iz drugih zakona i propisa.

#### Član 7.

##### (Podnošenje zahtjeva)

(1) Zahtjev za priznavanje prava na zdravstveno osiguranje za sebe i članove svoje porodice, korisnik prava podnosi općinskoj službi nadležnoj za poslove branilačko-invalidske zaštite prema mjestu prebivališta podnosioca zahtjeva, odnosno na području koje ostvaruje prava iz branilačko-invalidske zaštite ili je na evidenciji nadležnog organa za vojne evidencije (u daljem tekstu: općinska služba).

(2) Zahtjev iz stava 1. ovog člana mora biti obrazložen i uz isti trebaju biti priloženi dokazi o nemogućnosti ostvarenja prava podnosioca zahtjeva i članova njegove porodice na zdravstveno osiguranje po drugom osnovu (potvrda o nezaposlenosti sa navedenim razlozima zbog kojih korisnik prava nije osiguran po tom osnovu, uvjerenje Porezne uprave, i dr.).

#### Član 8.

##### (Prijavlivanje korisnika i izdavanje zdravstvene knjižice)

Prijavu na zdravstveno osiguranje lica kojem je priznato pravo na zdravstveno osiguranje na osnovu ove Odluke popunjava općinska služba i istu dostavlja Zavodu zdravstvenog osiguranja Zeničko-dobojskog kantona (u daljem tekstu: Zavod), te izdaje zdravstvenu legitimaciju, koju korisnik zdravstvene zaštite ovjerava u Zavodu.

#### Član 9.

##### (Odjava korisnika zdravstvene zaštite)

(1) Kada se iz bilo kojeg razloga steknu uvjeti za prestanak prava na korištenje zdravstvene zaštite po ovoj Odluci, općinska služba će dostaviti odjavu Zavodu u roku od osam dana od dana saznanja.

(2) Korisnik prava je dužan u roku od 15 dana prijaviti svaku promjenu koja povlači izmjenu ili gubitak prava na zdravstveno osiguranje po ovoj Odluci.

#### Član 10.

##### (Revizija i dostavljanje izvještaja)

(1) Općinska služba je dužna vršiti redovnu mjesečnu reviziju ostvarivanja prava na zdravstveno osiguranje korisnika prava po ovoj Odluci.

(2) Izvještaj o izvršenoj reviziji iz stava 1. ovog člana sa podacima o broju korisnika zdravstvene zaštite i broju objavljenih lica po ovoj Odluci općinska služba dostavlja Ministarstvu za boračka pitanja Kantona (u daljem tekstu: Ministarstvo) do 5. u mjesecu za prethodni mjesec.

#### Odjeljak B. Nabavka ortopedskih i drugih pomagala i njihova opravka

#### Član 11.

##### (Sadržina prava)

Lica iz člana 2. i 4. ove Odluke, u skladu sa važećim zakonskim propisima ostvaruju pravo na novčanu pomoć za:

- a) nabavku odgovarajućih proteza i drugih ortopedskih pomagala ukoliko iste ne mogu ostvariti po osnovu zdravstvenog osiguranja;
- b) ugradnju modulskih sklopova u standardne proteze kod visokih i dvostrukih amputacija donjih ekstremiteta;
- c) finansiranje ostalih potreba:

1) sufinansiranje nabavke ortopedskih pomagala koji se nabavljaju na teret sredstava Zavoda, do visine pune nabavne cijene, i to:

- invalidskih kolica sa sljedećim karakteristikama; težine do 12 kg; sklopiva i rasklopiva, pogodna za lakše savladavanje arhitektonskih barijera, sa dobrom i jednostavnom mogućnošću manevrisanja, pogodna za samostalno unošenje u automobil i sl.;
- antidekubitalnih jastuka sa sljedećim karakteristikama: da dimenzijama odgovaraju veličini kolica, da imaju dovoljan broj ventila za puhanje čime se omogućava željeni balans u pojedinim dijelovima jastuka, da kvalitetom sprečavaju nastanak dekubitusa i dr.
- antidekubitalnih madraca koji kvalitetom sprečavaju nastanak dekubitusa i doprinose što bržem zarastanju postojećih rana.

2) nabavku tiftotehničkih pomagala za slijepe i slabovidne RVI: bijeli štap, naočale, slušni aparat i dr.

3) finansiranje servisiranja, opravke i nabavke rezervnih dijelova za ortopedska pomagala u punom iznosu, nakon isteka garantnog roka.

#### Član 12.

##### (Potrebna dokumentacija)

(1) Zahtjev za novčanu pomoć za nabavku i opravku ortopedskog i drugog pomagala korisnik prava podnosi općinskoj službi.

(2) Zahtjev iz stava (1) ovog člana može podnijeti i kantonalno udruženje branilaca i članova njihovih

porodica, za potrebe svojih članova.

(3) Uz zahtjev za nabavku ortopedskog i drugog pomagala obavezno se prilaže:

- a) odgovarajući medicinski nalaz;
- b) potvrda nadležnog ljekara specijaliste o potrebi ortopedskog pomagala-sanitarne sprave, ovjerena od strane Zavoda, sa iskazanim ličnim učešćem ili 100% plaćanjem;
- c) originalni predračun koštanja nabavke ortopedskog pomagala.

(4) Uz zahtjev za opravku/servisiranje ortopedskog i drugo pomagala obavezno se prilaže originalni predračun koštanja potrebne opravke/servisiranja.

### **Odjeljak C. Liječenje i nabavka lijekova**

#### **Član 13.**

##### **(Sadržina prava)**

Branioци i članovi njihovih porodica u skladu sa ovom Odlukom ostvaruju pravo na novčanu pomoć u svrhu:

- a) naknade troškova specijalističkih pregleda, nabavke lijekova i sanitetskog materijala za potrebe ratnih vojnih invalida, u cilju liječenja rana i povreda posljedično vezanih za učešće u ratu;
- b) liječenja i nabavke lijekova za potrebe lica iz člana 2. i 4. ove Odluke i članova njihovih porodica.

#### **Član 14.**

##### **(Troškovi liječenja)**

Pod troškovima liječenja podrazumijevaju se i troškovi prijevoza veći od 50,00 KM ostvareni u jednom mjesecu, a visina novčane pomoći cijenit će se kroz broj odlazaka u zdravstvenu ustanovu u određenom vremenskom periodu.

#### **Član 15.**

##### **(Liječenje RVI)**

Zahtjev za pomoć za ostvarenje prava iz člana 13. tačka a) ove Odluke, ratni vojni invalidi podnose općinskoj službi, zajedno sa nalazom nadležne zdravstvene ustanove odnosno ljekara specijaliste i drugim dokazima iz kojih je vidljiva opravdanost njihovog zahtjeva.

#### **Član 16.**

##### **(Posebni uvjeti)**

- (1) Novčanu pomoć za ostvarenje prava iz člana 13. tačka b) ove Odluke, branioци i članovi njihovih porodica mogu ostvariti pod uvjetom da:
  - a) imaju prebivalište ili boravište na području Kantona u trajanju od najmanje 24 mjeseca (osim povratnika u Republiku Srpsku);
  - b) postoje evidentni troškovi liječenja i kupovine ordiniranih lijekova koji nisu na esencijalnoj listi;
  - c) da u toku tekuće godine nisu primili ovaj oblik pomoći za liječenje istog oboljenja (osim u slučajevima iz člana 24. stav 2. ove Odluke).

(2) Demobilizirani branilac koji ispunjava uvjete iz stava

(1) ovog člana, pravo na liječenje i nabavku lijekova može ostvariti pod uvjetom da je kao učesnik rata u sastavu Oružanih snaga u periodu od 06.04.1992. godine do 23.12.1995. godine proveo najmanje 24 mjeseca odnosno 12 mjeseci, ukoliko je OS pristupilo kao maloljetno lice ili neposredno po punoljetstvu.

#### **Član 17.**

##### **(Potrebna dokumentacija)**

(1) Zahtjev za odobravanje pomoći za liječenje i nabavku lijekova lica iz člana 2. i 4. ove Odluke podnose općinskoj službi, a uz isti prilažu slijedeću dokumentaciju:

- a) dokaz o prihodima članova domaćinstva (uvjerenje Službe za zapošljavanje o nezaposlenosti podnosioca zahtjeva i članova njegovog domaćinstva i dr.);
- b) ovjerena izjava o zajedničkom domaćinstvu (kućna lista);
- c) medicinska dokumentacija i drugi dokazi iz kojih se mogu utvrditi troškovi liječenja i kupovine lijekova;
- d) dokument (potvrda) izdata od Ministarstva zdravstva Zeničko-dobojskog kantona (u daljem tekstu: Ministarstvo zdravstva), odnosno konzilijuma ljekara specijalista da se takvo liječenje ne može obaviti u Bosni i Hercegovini, ukoliko se pomoć traži za liječenje u inozemstvu i
- e) druge dokaze iz kojih se vidi opravdanost zahtjeva.

(2) Prihod u smislu stava (1) tačka a) ovog člana čine primanja koje članovi domaćinstva ostvaruju po osnovu plaća i drugih primanja iz radnog odnosa, starosne, invalidske i porodične penzije, privredne, uslužne i druge djelatnosti i dopunskog rada, osim novčanih primanja po osnovu branilačko-invalidske i socijalne zaštite, dodatka na djecu, stipendija i kredita učenika i studenata.

#### **Član 18.**

##### **(Odbijanje zahtjeva)**

Novčana pomoć iz člana 13. neće se odobriti:

- a) ukoliko se vrši kupovina lijekova po ekonomskoj cijeni, a takvi lijekovi se nalaze na esencijalnoj listi ili lijekova za koje postoji zamjena istog generičkog sastava, a nalaze se na esencijalnoj listi;
- b) ukoliko su zdravstvene usluge plaćene, a isto je moglo biti obavljeno na teret sredstava obaveznog zdravstvenog osiguranja (izuzev za slučajeve iz člana 13. tačka a) ove Odluke);
- c) za obavljene stomatološke usluge, izuzev ako su iste posljedica ranjavanja;
- d) u slučaju neusaglašene medicinske dokumentacije i računa za lijekove.

#### **Član 19.**

##### **(Postupak po zahtjevu)**

Općinska služba kojoj je podnesen zahtjev za ostvarivanje

prava na novčanu pomoć po ovoj Odluci dužna je u roku od sedam dana od dana podnošenja zahtjeva:

- a) utvrditi kompletnost podnesene dokumentacije i zahtijevati otklanjanje uočenih nedostataka i eventualnu dopunu dokumentacije;
- b) u slučaju potrebe izvršiti neposredan uviđaj u stvarima iz zahtjeva;
- c) sačiniti izvještaj o socijalno-ekonomskoj situaciji podnosioca zahtjeva;
- d) sačiniti obrazložen prijedlog o visini novčane pomoći ili odbijanju zahtjeva i isti sa kompletnom dokumentacijom dostaviti Ministarstvu.

### POGLAVLJE III. OSTVARIVANJE PRAVA

#### Član 20.

##### **(Zahtjev i dokumentacija)**

- (1) Zahtjevi za ostvarivanje prava po ovoj Odluci podnose se na obrascima kojeg propisuje Ministarstvo u roku od 8 dana od dana stupanja na snagu ove Odluke.
- (2) Uz zahtjev za priznavanje prava zainteresovana lica obavezno prilažu dokaz o statusu branioca i člana njegove porodice i fotokopiju lične karte.

#### Član 21.

##### **(Dokazivanje statusa)**

U postupku ostvarivanja prava po ovoj Odluci, branioci i članovi njihovih porodica svoj status dokazuju rješenjem nadležnog organa o priznavanju svojstva ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, te uvjerenjem nadležnog organa o periodu učešća u Oružanim snagama, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

#### Član 22.

##### **(Odobranje sredstava za ortopedska pomagala)**

- (1) Rješenje o odobravanju sredstava po podnesenim pojedinačnim zahtjevima koji ne prelaze iznos od 3000,00 KM donosi ministar Ministarstva (u daljem tekstu: Ministar).
- (2) Na obrazloženi prijedlog Ministra, zaključak o dodjeli sredstava u iznosu većem od 3000,00 KM donosi Vlada Kantona.
- (3) Uplata odobrene novčane pomoći za nabavku ortopedskih i drugih pomagala se vrši na žiro račun prodavca, odnosno općinske službe koja obavještava lica kojima su odobrena sredstva i istim vrši isplatu putem blagajne ili tekućih računa, a u u roku od 15 dana po realizaciji pomoći dostavlja Ministarstvu pravdanje

utrošenih sredstava

- (4) U slučajevima utvrđenim propisima koji regulišu javne nabavke, Ministarstvo direktno sprovodi postupak nabavke ortopedskih i drugih pomagala.

#### Član 23.

##### **(Razmatranje zahtjeva za novčanu pomoć)**

- (1) Podnesene zahtjeve za novčanu pomoć po ovoj Odluci, razmatra tročlana komisija Ministarstva, koju imenuje Ministar posebnim rješenjem.
- (2) Zadatak Komisije je da razmotri dostavljene prijedloge općinskih službi, izvrši uvid u priloženu dokumentaciju, konstatuje ispravnost postupka, te dostavi Ministru obrazložen stav o opravdanosti zahtjeva sa prijedlogom o dodjeli novčane pomoći.
- (3) U svom radu po podnesenim zahtjevima, Komisija ima pravo vršiti provjeru podnesene dokumentacije, tražiti dopunu iste, te uposebnim slučajevima tražiti stručno mišljenje Ministarstva zdravstva u vezi sa odgovarajućim liječenjem.

#### Član 24.

##### **(Odobranje sredstava za liječenje)**

- (1) Prilikom odobravanja sredstava za liječenje vodit će se računa o socijalno-ekonomskom statusu podnosioca zahtjeva, težini i prirodi bolesti, visini potrebnih sredstava, hitnosti slučaja, kao i broju podnesenih zahtjeva.
- (2) Prioritet za odobravanje sredstava imaju slučajevi iz člana 13. tačka a) ove Odluke i slučajevi teških oboljenja kao što je akutna tuberkuloza, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.
- (3) Na osnovu prijedloga Komisije, o dodjeli sredstava po podnesenim zahtjevima u pojedinačnim iznosima koji ne prelaze iznos od 1000,00 KM odlučuje Ministar, koji istovremeno utvrđuje dinamiku isplate.
- (4) Na obrazloženi prijedlog Ministra, zaključak o dodjeli sredstava u iznosu većem od 1000,00 KM donosi Vlada Kantona.
- (5) Pomoć za liječenje i kupovinu lijekova u izuzetnim slučajevima može se osigurati i na drugi način, kroz izravnu nabavku odgovarajućih lijekova ili plaćanje zdravstvenih usluga.

#### Član 25.

##### **(Izdavanje rješenja)**

- (1) Na osnovu dostavljene obavijesti Ministarstva o odobravanju pomoći, općinska služba donosi rješenje.
- (2) O žalbi na rješenje iz stava (1) ovog člana rješava Ministarstvo.

#### Član 26.

##### **(Dostava i pravdanje sredstava)**

- (1) Općinska služba obavještava lica kojima su doznačena

odobrena sredstva i istim vrši isplatu putem blagajne ili tekućih računa.

(2) Općinska služba je dužna u roku od 15 dana po realizaciji pomoći dostaviti Ministarstvu pravdanje utrošenih sredstava.

#### POGLAVLJE IV. ZAVRŠNE ODREDBE

##### Član 27.

##### **(Sredstva za ostvarivanje prava)**

Sredstva za ostvarivanje prava utvrđenih ovom Odlukom osiguravaju se u Budžetu Kantona.

##### Član 28.

##### **(Evidencija)**

Elektronsku evidenciju o podnesenim zahtjevima i korisnicima prava po ovoj Odluci vode općinske službe i Ministarstvo, po obrascima koje propisuje Ministar, u roku od osam dana od dana stupanja na snagu ove Odluke.

##### Član 29.

##### **(Instrukcije i nadzor)**

(1) U realizaciji ove Odluke, Ministar može donijeti odgovarajuće instrukcije.

(2) Nadzor nad provođenjem ove Odluke ima Ministarstvo.

##### Član 30.

##### **(Stupanje na snagu i objavljivanje Odluke)**

Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-37-6857/08

**PREDSJEDAVALAČI**

Dana, 26.02.2008. godine

Zenica

**Sejad Zaimović, s.r**

47. Na osnovu člana 99. stav 1. Poslovnika Skupštine Zeničko-dobojskog kantona («Službene novine Zeničko-dobojskog kantona» broj: 4/05), a u vezi sa Zaključkom Skupštine Zeničko-dobojskog kantona broj: 01-38-28683-1/07 od 05.12.2007. godine, Skupština Zeničko-dobojskog kantona, na 15. sjednici održanoj dana 26.02.2008. godine, donijela je:

#### **O D L U K U**

#### **o obrazovanju Radne grupe radi utvrđivanja eventualnih slučajeva kršenja odredbi Zakona o osnovnoj školi**

##### Član 1.

Obrazuje se Radna grupa Skupštine Kantona koja će sagledati stanje na terenu u pogledu utvrđivanja eventualnih slučajeva kršenja odredbi Zakona o osnovnoj školi, u osnovnim školama na području Žepča, Vareša i Novog

Šehera, u slijedećem sastavu:

1. Ibrahim Plančić - predsjedavajući,
2. Amela Džomba - član,
3. Besim Spahić - član,
4. Bojan Bošnjak, - član,
5. Muris Jabandžić - član,
6. Mehmed Bradarić - član,
7. Ivo Tadić-Iva - član,

##### Član 2.

Zadatak Radne grupe iz člana 1. ove Odluke je da sagleda stanje na terenu i utvrdi da li u osnovnim školama na području Žepča, Vareša i Novog Šehera, postoje slučajevi kršenja odredbi Zakona o osnovnoj školi, te da Skupštini Kantona dostavi pismeni izvještaj o utvrđenom stanju, sa eventualnim prijedlozima mjera za njihovo otklanjanje.

Stručnu pomoć u izvršavanju zadataka iz stava 1. ovog člana. Radnoj grupi će pružiti Ministarstvo za obrazovanje, nauku, kulturu i sport.

##### Član 3.

Rok za izvršenje zadatka iz člana 2. Odluke je 60 dana od dana donošenja Odluke.

##### Član 4.

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-02-6829/08

**PREDSJEDAVALAČI**

Datum, 26.02.2008. godine

Zenica

**Sejad Zaimović, s.r**

#### **VLADA**

48. Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 132. stav 1. tačka f) Zakona o policijskim službenicima Zeničko-dobojskog kantona ("Službene novine Zeničko-dobojskog kantona", broj 8/06 i 20/07), Vlada Zeničko-dobojskog kantona, na 46. sjednici, održanoj 01.02.2008. godine, d o n o s i

#### **U R E D B U**

#### **o plaćama, naknadama i drugim materijalnim pravima policijskih službenika Zeničko-dobojskog kantona**

#### I OPĆE ODREDBE

##### Član 1.

(Predmet uredbe)

Ovom uredbom uređuju se primanja policijskih službenika: plaće, dodaci na plaću i ostale naknade kao i druga pitanja od značaja za provođenje ove Uredbe koja pripadaju policijskim službenicima Ministarstva unutrašnjih poslova